



ГАЗЕТА 1931 ПО' АПРЕЛЬ ИРЫ' ЮКАД ВАТА ХАСАВАЮДИМДЕЙ ЯЛЯХАД НАДИБЕРҢА

СИ' ИВ ЯЛЯХАНА НОПОЙ' СЕРТАБИВА'

Мэбета вадава" ила' панан' етри' мэква"!

НЯРЪЯНА

НЭРМ



№ 38 (5208)
2024 по'
сентябрь иры'
21 яля

СУББОТА

Российская Федерация Ямало-Ненецкий автономный округ

3

ВАНО"

разговорный
ненецкий клуб

Ңани' нобт' ТЭВЫД"

Илебей ненэцие" няд"ма"

ЕВАКОҢЭ ҢАЦЕКЫ" Е"ЭМНЯ

Ямал' тиггэвна тад тованда по-хона евакоҗэ хаёвы нэрм' тер" җацекеы" е"эмня едэй няд"ма җадимда. Вынгана илеван', мюсерман' харваб"нандо', ненэй мятамдо' ня"маҗу". Иринато', хаданато' ила' саирм' нёдаван' харвана" хусувэй җамгэдо' танияҗу.

Неноховавна мядм' мяра пирта". Еядамдо', җудамдо', хордамдо' (кордамдо'), нойдамдо', спутниковой телефонм', электростанциям', бензопилам', пардонто' лабтэйм', тамна җани тарана җаворидамдо' мирци" ня"маҗу".

Теда' хусувэй евако җацекеы җудахата няхар" ю" тэдамда, мятамда ня"ма пирҗа. Едэй закон' вато' сер' няд"мидо' җокамдангудо'. Илебей ненэця" электронной сертификатханато' есьдо' танияҗу". Тикыдо' няхар" ю" ты' мир" нэҗу". Ненэця' харта ивнанда тэдамда тэмда пирта. Ханяд, хибяхад, хурка тым' тэмдавамда харта таслаҗуда. Яхадей җэбта, яхадей җэҗу, хабт җэбта, хабт җэҗу.

Тарця няд"мам' вынгана илеван' харвана" толырто' тьянэ" нэрм' тер" ненэцяли" мэтадо'.

Ңокханда округханана" 48 ёнар" нэрм' тер" тэнэм' мэта" иле". Тикы' ненэй ненэця", хаби", тасу" хаби". Поҗгадандо' яланда 18 ёнар" Ямал' тер" мюсертаҗэ толы". Е"эмнандо' тет юркад вата няд"ма" таяҗа".



Сийиҗу: М.Яр' тадтавы"


ТОХОЛКОВАМДО' ОКРУГ' ЕСЯХАТ САЛДАМБАҢГУ"

Тохолкода нюто' е"эмня тюку по' җани җопой тарана няд"мам' җадимдець. Ханярина җарка маркана тохолковандо' няю' есям' салдамбабато', тикыдо' округна" есь" пэнёсяҗгад салдамбаҗудо'. 100% пирувна есям' тамбаҗу". Тикы' е"эмня җопойри табеко таяҗа, илебей ненэця' җули" тяхасовна, яланда тетсамляҗгрихи"на тохолкобта тара, Тарем' җэбта, небянадо', нисянадо' округханана" тохолкова' серо ня"амбади" ня' ненадо' падарм' (договорм') падаҗу". Ныхыда җопой по' ямбан' танияҗу. Тохолкось яхандо' салдаванда есьдо' җарка пэвдя иры' нюртей яля' ёльцянд' округ' есь" пэнёсяҗгад җэдабтаҗудо'.

Вы' тер" җацекеы" хавна харад' тер" җобтикеы сававна тохолкобто', тарця няд"мам' мэць пирта". Пыдо' е"эмняндо' 90 ёнар" есям' салдаҗу". Нисянадо' СВО' няна сайнорпато', 200 ёнар" пир" есям' салда пирта".

Тарця няд"мам' мэ"мы илебей ненэць' сян по' ямбан' тохолковамда мале"мяхаданда манзараванзь округхана тута. Манзаяхананда няхар" по Ямал' е"эмня таром' минреҗу.

Г. Окоэтто' падвы



Тохолкоди нядавы"

Нердена яҗорэй' тохолко хэва' ёльцяҗгана хусувэй җамгэ тосакабты. Техэ яханд тэв"махаданд сензувна хасерпат ихиня савараха. Иле мятамд хоҗгун, хэвхананд илена нид сававна торомдангун, тарем' җэбата сава җы"нив". Мята тер" җод" яля' ня' җэда юнм' намдабато' җобтикеы таҗгамдыд". Хахаяда яля' Тасу' яв' няд юнм' намдаваць.

Таяҗы яхад җэда илебей ненэця" җокадо' Новой Уренгоян' тохолкованзь коллежан' ханҗа". Пилю" иры' пуданана яляха"на мал' мале тохолковамдо' тасла"махадандо' җарка март' пывэдо'. Таяҗа тэв"махадандо' иле мядото' нямна мэкад сер" сидто' едтевы". Пыдо' няд"мадамдо' пось районандо' җэвахана мэна ервхандо' лаханавы". Виктор Югай тарем' падыбидась:

Маня" «Ямал-ню"на я!» Ассоциация' манзарана", нэрм тер" Совет' тер" ня' җобкана тохолкованда илебей ненэциена" нядэйнаць. Мал' җэбато' нюртей по' тохолкодаць. Самляҗг юкад вата мат" җацекехэт няхар" ю" илебей ненэцянд' общежитияхана иле ядо' яҗговы. Маня" яна" тер" җацекехэ" җока нито' поҗгат нерденаҗэ иле мятамдо' җадимдебато' серо"җась. Теда' колледжандо' ерван' вадам'

җэдаравачь. Пыдо' хахаяда яля' тикы серм' тидхалеванзь ватораць. Тарем' еремы" мяд' терха" няд"маҗэ есядамдо' миҗаваць. Пыдо' маркана нюто' иле мяд' мирнэ мэтыдо'. Тикы серм' таславандо' җэсонд' нива" җэдарамбаҗу".

Тарця няд"мам' җадимдемахадандо' тохолкода илебей ненэця" районандо' ерван' сейхад җэда вади җэдаравыць.

М. Ярой' падвы

Ты' џамза мирерџа

Та' џэрм' тер" илам' тидхалембада ервона" вымна тирџаць. Тарем' мюсерта ненэцяџгат тидпой лаханакурць џамгэ нянандо' таравам' намдорџаць. Ненэця" индо' ядэробцо, тарабцодо' ерваха" ваде"ядонзь. Тикы' пуд ма"нисям", вэба' ирыхына ненэсянда џамгэм' таславадо' пунумда. Хахаяда яля' тикы ядэромито' нямна вадам' намдаваць.

Округна" џэвахы ерв ты" џамзи тэмдабавандо' няю' мале пэмы есяхат 165 миллион есям' ватормысь. Индо' ядэробцохона тарем' ненэця" џокамбовна тыдо' хабарталваха" тэврамбаџгу". Нюрте"э' 2,5 ёнар" тонна џамзам' џыдавандаць, тикамдо' тамна тет юр" си"ив ю" тоннахана џокамдавэдо'.

Ямалханана" тэмдабада тына" џамза' мирм' џокамдавыдо'. Ѓэдалёрмито' мальџгана ерво" џэвахана мэвы Ямальной районм' ня"амбада Андрей Кугаевский тарця вадам' џадимдэсь. Ма"нисям, ненэцяџгат хабарталваха"на ня"марпада

ты' џамза' мир" џокамда. Нердена категори – 500 есяџэ ханда. Нерџобт' – 450 есявна ня"марпидонзь. Няби– 250 џэџгу. Ѓахат – юр" самляџг ю" есявна тэмдабидонзь.

Та' ямбан' «Дорожной карта»м' яџгамдамба ервона" вымна џэдалёрџаць. Ѓокаханда самляџг юркад вата мяд' терм' лаханако ня"мыць. Тикы' хавна џани тарана серо тая' паклевыць. Ты" пардон" аптэчка џани яџгамдавыдонзь. Тохолкода илебей ненэця" џани тохолковандо' няю' няд"мидо' џадимда".

М. Яр' падвы



Сидяџг: М.Яр' тадтавы

Сидя матолавам' сертавы"

Ямал' џэвахана мэна ерв небо' Пэ хоё" нямна ты пэрти" мядо"мана џэдалёрџась. Таянд округна" серо нерня' минренаха" вытер" вади тэвравы. Та мальџгана мюсерта" ненэця" еся сехэрым' мадаба џокаханда 38 матолавам' серта табековы". Тандая' тикы серо" нямна сава юнм' намдава".

Ты пэрти" е"эмня Приуральской районхана Пэ" хоё" няна еся сехэрэвна сидя матолавам' сертавы". Нердена матолава Лонготьёган нубета яха' няна џа, 73-й километр' пиркана.

Нябимдей – Халяталбэй' няна, 82-й километр' пиркана, пул' хэвхана џа. Тикы матолавидо' яџга табха"на, ярамбэхэ"на џонавыдо' мюдм'.

Обская – Бованенково нубета сехэрым' нярпой мадабада" ты пэртия" ямданабто' мале теневаџгу": ханямна нись тоса мюддо' ханда". «Ѓэрм' тер" таџга тикы матолава' сер' мюсерта"», - тарем' еся сехэрым' сертабада" лахана". Матолави џэсь ям' ты пэртияхат хонрамбавэдо', ненэцие табекохо" инзелевы".

Г.Окотэтто' падвы

Ханена" тосабато' серо"џа

Округханана" вэба' иры' юкад самляџзийдей яляхана тэвасин', таряхан', тосан' хане џэдарамбидо'. Тикадо' ты" саполана иры' нюртей яля' џэсонд' џэџгу.

Тюку по' вэба' иры' нюртей яляхана ханева' нямна едэй вато" џадимяць. Тад нерня' хане џэдарамбада билет ня"марпавандо' нерня экзамен мипаџгу". Сидто' туни мэць пирмамдо' манэ"сарта", ям' сававна теневавамдо' хонрабаџгу". Тарця билет юкад вата мат" поход ня"марпа пиртыдо'.

Тикы' хавна ханени џани џоб" вэа сер' нямна хонрамбидо'. Ханесэйндо' џамзи џаворпато' вэако хабџяџо палабта пирџа". Ѓобто'– трихинеллез. Хабџям' нёлекоця сюрэбтяв халыкоця џадимдембидо'. Тарця хабџям' я мядота', тос', тамна џани я' сармик' џамзам' џаворма' ёльџяџгана палабта пирџадо'. Тикы халыкоця" сэвхана сававна ни" џадо". Лекар" ма"ним", тарем' хаџгулаб", ненэцям' яво паяџгуда, ныхысяламда, пэдёмда нэкалпа тоенаџгу. Хабџянда тамна сидя иры' тяхана џамзам' џавормахаданда џадимда. Тарця џамзам' џаворп", тамна ненэця' яџгумзь пирџа, тив' едыам' мэта.

Тикы хавна ханесэй' џамзахана вэно џавламба џани' ни серос". Трихинелла ханибцембава', сямдарамбава', сэротамбава' ёльџяџгана хаџгана ни џа".

М. Яр' падвы

Сэври тянё

Сяхаринда сельбья' няна халяда џокамзеты. Ватаџгова' ёльџяџгана поџгадо' џули" панцеты". Тюку по' ёртия" тэтна", ма"ним" ханярина планоодо' ни" томдабю", халя тянё. Хэвы си"ив яляхана «Байдарацкий» совхозхад юнм' намдаваць.

Пыдо' сэвририхинапланадо' – 430 тонна џэвы, тюку яля' пиркана яланда 80 тоннам' томдавы". Предприятиядо' џэвахана мэна Владимир Арцыбашев' вадавна халя тянё џэва' няю' ну' ед', хонарковдавэй халядана" ненэцяџгат тяню"мя". Тикы' хавна тамна итя џока џэвы. Пыри яха' няна хас яџгу, пили" яв' няд миџа. Тадџо" ёртия поџга" латдандо' сер' ёря икня хэмџэ ереберџа". Халя" мэлваха"



Сидяџг: М.Яр' тадтавы

ни" тэвор", џадьбятю' тянём' ватаби".

Тад нерня' хурка џэџгоданакы, џоб" си"ив яляридо' ёраць хаи. Нянандо' няхар"

поџга' тер" сэврим' ватаби". Тикадо' юкад вата сиднтет ненэця".

М.Ярой' падвы

ВАНО'' Ѓани, џобт, тэвыд''

разговорный
ненецкий клуб

● Илебей ненэциена''

Вэба, иры сибимдей яляхана лахарё џабтамбада «Вано» клубхана едэй, тохолкова, похона нюртей ма''люрџаць. Пуда маџгы'' ирыхына џобт, тэворџаць, џадьбятю, няхато' ёльце маймбиць.

Нидо' ядабтаванзъ џули'' тяхасовна хамековы''. Ханя, харта пирхата' џарка сер''! Едэй тохолкова' по тарця џарка хардан', Санкт-Петербурган' едэй тохолкоди тэврамби''.

Тикы яляхана Ямал' тер'' няби Ѓарка я' тер'' товыць. Ѓули'' нюрте''э' хибя џэвамдо', ханяд џэвамдо' няхато' ваде''џаць. Санкт-Петербурган' илевамдо', хибяџэ тохолковамдо', сян пондо' џэвам џобтарем' хэтыбидонзъ. Таџы ныланавамдо' тензебтембиць: ханяна тамдо' мэцадо', хурка мэкад џамгэри манэца'', сертавдавэй'', тэри тарем' мэвдавэй серодо' мал'' вадець ёльцейдонзъ.

Вано' тер'' тюку та' ханярина я' тиџгэвна мэвыць: хибяхав ядембада Сочи' харад' няна мэвысь, џани хибяхавар хой' няна небахаята-нисяхаята няна мю-



Сидяџг: Т. Сэрогэтто' гадтавы''

сермысь, ханяџэр нядэна'' мяк'' ныланаванзъ хан''мысь, џани тарцяр Санкт-Петербурган' есядамда недвотамбавысь.

Ханяџэхэрт џобт' тэворма' ялядо' сянаковдавэй нисътавы

хань''. Нюртей яляхана сянаковцандо' нюм' «Мань хибям'?» нюбе''џась, едэйвана товы'' няхато' џули'' савовна ваде''џадонзъ. Нидо' маймбавы'':

«Тарем' вадам' тохоламба тэри сава џэвы!».

Едэй Вано' терха'' Ямал' представительство' мюня џахат тохоловыямдо' манэ''лабтамбиць, нидо' сомбойџэ тасладонзъ: «Ѓули'' сава мяд, тюкон' џани' туртава''!»

Тикы ялямдо' мал'' пон тенеџгудо'.

Татьяна Сэрогэтто' падвы



Юнамдо' ханярид намдорџава''. Сидто тенева''. «Вано» клуб' тер'' тохолкода'' илебей ненэциена'' ненэся' ва''лэй џэвы''.

Харе'' ямда мэне

● Ѓарка я' юн

Юлия Бобрикова тюку по' вадахана'' џацекы тохоламбади'' конкурсхана нерня' тарпыць. Пыда округханана'' Ома џэсыхына вадысь. Школамда' ёльце''махаданда Няръяна Маркы педучилищен' хаясь, пуна Санкт-Петербурган' тохолкованда пуд манзараванзъ яханда тось. Тарем' сидя юкад вата по'' ваера'', пыда харта янда тер'' џацекы тохоламби. Лахарёми' тарем' пядась.

Тохолкода манзаяни нямна сяхаџгарт' нисетыдм' ибедор''. Тамальџгы похо''на мякнана'' тоенарка илеваць, џадьбьянда Няръяна март' тодамзъ, педучилищехэна нензел''мана тоходанадамзъ, нянани мэкадась. Таџок по'' ваерась џани манзаяхана пыхыдами нив мание''. Школаханани хой' тер'' џацекы тохоламбимдм', ненэця' вадам',



Сидяџг: Ю. Талесева' гадтавы''

литературам', џэрм' тер'' ила' саирм' минредм'.

Маня'' џэсыхынана'' не-нэй ненэця'' иле'', харто' вадавнандо' лахана''. Ѓацекы''

џод'' вадамдо' теневабто' тара. «Наш край» урокава'' тая, тохолкодини'' харвась вадамдо' тохоламбидо', олимпиадаха''на, конкурсха''на мэсеты''. Мань

џод'' пили'' хусувэй несэй џамгэм' тохоламбасетыдм', ненэця' вадам' минрена'' няха''ни тэворцетыдм', тоенана серо тасламбава' мальџгана манзарасетыдм'. Хусувэй по' округханана'' ненэцие'' паднава' яля'' ёльцяџгана маня'' школаханана'' ю'' ялям' мэцетыва'', џацекына'' харто' вадавнандо' толаџгосеты''. Маня'' џацекына «Вадако», «Мел не» кружокдо' тая. Сидна'' џарка ненэця'', хаданадо', иринадо' нядабасеты''. Няндю' џарка вада!

Тюку ирий' еркана Казань-хана конкурсхана манзаямда манэ''лабтамбаџгуда. Вэба' ирий' 17 яляхад Татарстан республика-хана хусувэй яхад товы'' урокадо' манэ''лабтаџгу'', џацекы'' е''эмня внеклассной серо хамадаџгу'', тохолкова минреџгу''. Юлия Анатольевна Бобрикова таяна манзараванда, хусувэй џамгэда сава џэя!

Юлия Талесева' падвы

Хардана'' җарка ненадо яля

Хэвы си''ив ныланава' аляхана Салехардана'' соя''ма' ялям' мэ''жаваць. Округна'' җэвахы харад 429 поданда хаясь. Хэбидя ялява'' саць ненадовна ядабтамбасетыва''. Тюку по' җод'' җани' тарем' хаясь.

Ненэяринда Саляңгардава'' хусувэй по' паскойнэ хан''җа. Пон' яңгоховаб'', тандая' мивы хардо'' помна ёхова' сер' җа. Невхы хардахатана'' хаюрта сабе яңгу. Сававна тeneвана нина'' җод'' җарка''я хардахана енар''мана нина'' едтембу''. Җадьбята җамгэри ненадо яляхана тeneванина ядабтаванзэ етри паромбива'', маси'' җока ненэцие'' поңгана нямд манэ''тан.

Салехардана'' соя''ма' аляхана Ленин' ядэлавахана ненэця'' саць җокаць. Тарка нито' ирмня нерня' са''җаць. Хусувэдо' тeneвана'' нямда манэ''ман' харвась. Мань җод'' нини'' помна ядэрҗадамзэ. Пили'' нюрте''э җэрм' тер'' нядми шодамзэ. Җоб'' яхана тодо тэнз'' харе'' иламдо' манэ''лабтамбавы''.

– Тедав варкан', нер'' тольва'' ёльце җаврахат панҗась, та мальңгана товы җэбат'' сава сидяңг сертаңгунась. – Нечей Сэрой җэвы, вадамда тамна минреда – Хэвувнана'' ядэрта ненэця'' мал' няна'' нултаңгадо'. Тарця ненадо яляхана хусувэдо' нанда илам' манэ''ман', торомдаван' харва. Мар''на'' соя''ма' ненэянда ненадо яля' то''олха җэвы. Хэвханана'' мэна'' җани' тэнз'' нина'' җобтикы ни'' таңг''.

Тамнатяхакунапэдара' поңгана мядо' манэ''җадм'. Тикыдо' няхатато' тодо яхана мярвы''. Нердена мят' тювани сер' хабина'' җэвы''. Хибяри җаворман' харвабата есям' салда''махаданда сидта җавлаңгу''. Җани' харвабата паным' мэць сидяңгадамда серта пирҗа. Луце не'', сидяңгадамдо' сертаван' харвана'', нито' пуд нулмыд''. Маня'' панына'' мэць тэри пяныци'' харбене''.

Си''ив харвхад товы нехэ' тарця хэбидя яля'' җэдарамбадиди' ни җа''. Теда' җод'' та' ямбан' ёря хобахат сэдвы харнакади' нито' ниня'' җоны''. Сырпани' тет сянм' тэмдаць. Сянакон' харвана'' няданди' җани' тарця мутры хось пирҗаць.

Мараңгы мирдапада Мария Окотэтто җадьхарта нись җадо'', ненэця'' неняңгадрев' хэвхананда ниңгэрҗаць. Харта җод'' тюку хэбидя аляханана'' җока илека'' сер'' мараңга' нямна җаць. Тикы җодя' е''эмня тада фестивалм' минрець. Сямянхат сававна тадтавы сидяңгм', мараңгахат сертавы җавыдота җаварм' тэрабиць. Тарцям' пывандо' мальңгана

товы'' хибяри'' нюрте''э тая' паромбиць. Ну' ед' җаворман' харвана'' саць җока җэвы''.

Җока җамгэм' җацеки'' е''эмня сертавыць. Сянакова'', пирдырма'' тэри и' харвобцохона тэра саваць. Тикы' хавна җани' харад' тер'' «Геолог» няю' ядэрць пирҗадонзэ. Таяна җобтикы хуркари мэкад серо е''эмнандо' җадимдевыць.

Тарем' Саля хой' ниня Саляңгардана'' 429 пом' ядабтаваць.

М. Ярой' падвы



Вадамда теневада

Тикы' нява" мале таякуй по' торомдаваць. Харта редакцияхана" туюсь. Џули" нямбара илебей ненэця' цэвысь. Лахарёва" тамальгана хуримна хан"нась. Џамгэри" нямна лаханабана" цод" пудана вадина" естри' вынд', ты' иланд' тэворцеты". Тикы' нява" – Виктор Окоэтто.



Сидягг: М. Яр' тагтавы"

Теда' пыда Санкт-Петербург' няна тохолку. Мале няхаромдэй помда пэрца. А.И. Герценм' нубета университетхана луца вадам', ненэй вадам' тохоламби. Ёльце ненэй ваданда урок мэне. Мале таякуй яляхана сидта университетхана тохоламбада Виктория Валенковам' тарем' хонравась: «Тохоламбадит поңгана ненадо цацекэр тая?» Пыда мась: «Ненадоховами ханя тая». Окоэтто Виктор – ёльце тенева, мунзя"лабт цэбта цод" сямян цамгэм' пир"ца. Сяхацгарт' пуны' ни ца". Хонраб"нани, Витёв, ненэй вадавна торовата тара, нями цани' цадимда. Витёв, библиотекан' хэсь тара, нями мале цанэдёвы цэңгу. Пыда лахана, падна пир"цада».

Ненэсянда Виктор тарця пэдава ненэця' цэвысь. Университетханандо' мядомани мальгана си"ми ёльце сававна ядабтась. Манэ"мэда, намдавада цока цэвысь.

Харта цод" Виктор Ямальской районхы Пэ Саял' няд ца. Харе" соя"ма' ямда ёльце мэнеда. Тикы' нямна хуркари" хайнана" вади падыби. Ти, пуда падвэмда толара".

Марина Ярой' падвы

Царка саял' ниня, яв' хэвхана,
Пэ Саял хардами, хардами цамды!
Тет намна хабтхана цавнахаванда
Цули" нявотари цюку хардан' нисяв турцеты!

Хардами нюдя – ненэцяда сава"!
Хусувэй хибя нямда нядацгуда!
Пидичасавэй", луца" цэдакы", ненэй ненэця"
Пэ Саял харадм' цю"у' минре"!

Халям' ня"марпива", ты"на" лэтамбива",
Ям' манэсарта" – ям' манэ"сарца",
Тохолкода" – тохолку", вареримдо' мэ"ца",
Хар"на" вадакова" нерняри' минрева"!

Виктор Окоэтто' падвы

Няханато' пирдырцац

Ямална" цэрм' тер" сёбар" Россия' тицгывна минрена пирдырмаха" цэдалёрмы". Тарця царка пирдырмаха" сяхаринда тодо цэрм' яхат турцеты". Теда' си"ив я' тер" цобт' ма"льць.

Хэвы си"ив яляхана цэрм' тер" сёбар" царка ненадо пирдырма Няръяна маркана цэвы. Тикыдо' мале сян ялян' таславыць. Яханандо' Алексей Коткин' тен' е"эмня сертавыдо', нядо' цавнанда сёбар" пирдырма' няю' ёльце царка таром' ха"авравысь.

Теда' сянковахана цокханда самляңг ю" ненэця" товыць. Пыдо тодо цэрм' я' тер" цэвы". Маня" яна" тер" цани' ныхыдырмы". Сяхаринда ханзер" таро"мадо' мале таславы: цопой яхад нид сюрамба няхар" санармы", тыбкам' моёпавы", ярколавы", хано санарпавы", пям' ня"амба сюрбермы".

Ямална' тер" солотой, ненэй, тет нярава медаль ня"амармыць. Варемдо' мэ"мы". Няхар" санар"махана Эдита Ламдо, Маргарита Лаптандер, Мария Куртямова, Матвей Лаптандер саць сававна мэвэдо". Пям' ня"амба сюрамбавахана Эдита Ламдо, Юлия Молодых, Маргарита Лаптандер, Юрий Лаптандер мерець тэввэд".

Маня" яхадана" цэда" пирдыртина" цули" пирцадо'. Пыдо' пэдава". Тамна цани сянковаха"на ненадумда"ма ня"марпая". Тикахана нерня ха"амвы" тамна' тыха' пирдырмаха" цэдарацгудо'.

Солне Цокэй' падвы

Харта сёда хынобтамби

Пыда Цэрм яна" тер. Си"ив харвхана тохолковысь. Пуна' ява" лэтраванзь ханмы. Таяна я"авлада серт' еремы. Хацявы хасялв", несэйвана лахана тоходавы. Интернет' мутрам' няд"мяць хыно"мамда видеон' падыбида. Тарем' ненэця" сэхота инзеле". Тикы' сер' сита тенева цока.

– Пыдар сёд тэри хайна", цули" савовна хыно"цан. Ханзер" фестивален' тось тасласар'?

– Цюку по' фестивалехана няхаромдэй мэвами. 2019 похона нерня' ха"мываць. Цацекы цэб"ни Пэ саял' хардахана илэдамзь. Та' мальгана Валерий Павлович – цацекы музыкан' тохоламбада си"ми гитарахана сянково тохолась.

– Сёд харт падвыд? Цамгэ' нямна ца"?

– Хар"ни ненэй вадавна, луца вадавна падыбин. Тикыни" цани яхана мэ"мани, вы' нямна цы"ним". Сёнзяни мюйм'

таңгумдамба ини ядэробцо сёхо"нани ваде"ян". Цюку то"олха фестивалехана мэсетыдм'. Тедари' царка сцена' ниня нидамзь сёт". Сяхари' таяку тэвацгодакэдм'.

Тад пуна манзаям' тохоламбава' мят' тохолкодаха" цюцгавы. Сцена' ниня хыно"мы. Си"ив харв' илебей ненэцяцга"на цани' лаханакурмы. Ханзер" тохолковамда тензебтембавы. Цоб" иле"мямда тарем' Евгений ваде"цадась:

– Мань тохолкоб"ни' цули" ныхысидамзь. Пуна бокс' секциян' ханаць пэйваць. Тарем' пыхыдами тоялабтаваць. Теда' илебей ненэциена" цобтикы варемдо' мэбато' тара! Илацгана хуркари" тоенана сер" таясеты". Пыхыдм' мэйрамба тара. Мань цани' хуркари серк' ереберцадамзь. Харе" пыхыдан пунрё серо"ца. Тикы' хавна серкат теневава' е"эмня – тохолко тара. Цоб' нерня' цада"!

Руфина Окоэтто' падвы



Сидягг: Р. Окоэтто' тагтавы"

Вэба' ирыхана Саялцгардахана ныланава' яляхана яха' лаңг' ниня фестиваль цась. Ненэця" мяд' терсавэй турцац. Цацекы" сянкулва" таяць. Цавыдота цавар пирембиць. Хынота ненэця" гитарам' ня"амба сёдо' хынобтамбиць. Поңганандо' ненэй ненэця нява" Евгений Худи хыно"нась.


Деты нятакома шел



Чуки похона Ямалхана нельчэй манслаш чепьна џалтана" џашки" дет таслѣта деты нятакома шел џычимя. Четыдџа маслаш чепьмы" ветеринарный" леклу", фельдшеру" вешахана нятапѣтдџау. Чики хома шел округна велд таньше тасламы.

Маня" Пуровский" районхана на џупчики ветеринарный" лекал", фельдшер", ты" лекал" тада". «Верхне-Пуровский» нимита совхозхана џука хыльмику" ватапи". Дѣџадкат вата шичадџотоу чуки похой вачумы халаку". Канадмантуџ тайхана халакууде" пуџ дџампхана маньдеш тада". Халаку" деч хомяхамтапѣта ветеринартоу хыльмику" мякна дику. Чикиџ камна совхозхана выџкна џисыхана мансланна" ты" лекал" дику. Понантоу тытуџ лекал" џисыдѣтуџ тахана тадџамѣштуш", четаџ таньше мансланататоу дѣшту".

Таџичохона совхозхана халаку" деч хомяхамтапѣта лекалџэ практикант" манслаџаш", аграрный университетхана Северного Зауралья тоходкота". Пытоу маньшту",



таньше халакохона", тѣхѣна" манслама нџантоу хома. Талдџа мансдџа вихитџуџ камуля, кукитџуџ Ямалхана мансламан ха"џа". Нџаймы наџича дџан кџаш тыдџутаџа", чѣтыдџа манслаш чепьмы џашкехѣна џука џама, дилант талана, тада.

Чикиџ камна маня" дџахана на мансланна" ветеринарный" лекал", фельдшер" тышинџана мѣна ветеринару" мансдџахат мансдџаџоу шеѣмџа. Надаџ манде выџкай џисымана" дџа тыџдашту. Ты" шичилпѣшту", вѣдџаку" прививкат џамташту", ты" биркат чепьчѣшту". Таньше мыличџуџ дѣлџшат манслашту".

Чикиџ камна ты" кындаш чепьмаџ дѣлџшкана забџойный" пунктхана ты" џамши" маньсадышту". Талџам талдџа шеѣмна мансдџахана мансламан ха"та" лекал" чадџо џџашту. Дѣты нџаџакош тасламы" шел таньше манславанта" лекал" чѣшча дџахана тоштомаџ мѣт шелтамы. Чѣтыдџа маслаш чепьмы" ветеринарный" лекал" 700 дѣнал вѣшам нџамалпѣты", фельдшер" – 500 дѣнал. Талдџа нџаџакома вѣшам џуп мѣмаџ, нельчѣѣй маслаш чепьмантуџ дѣлџшкана, нџамалпѣты".

Чуки похона округханана мат" специалист" нџатанаџа. Талџам нџаџапѣтан чѣтыдџа маслаш чепьмы" џашки неша" мед дѣты манславштуџ, дѣлџшатуџ дџахантуџ толѣмштоны".

Татма: Л. Айвасѣдо таттамы

Мымай демьпчал"

Таџичохона Кадпџодкай клубхана манслана «Атпайшадаха» дѣты мымай демьпчал" тѣмтаџаш. Чуки похона театральный" коллектив" мансдџам миндѣна Ирина Айвасѣдо патмайтџа «Национальный театр» проекта конкурсхана «Родные города» џычимчѣџаш.

Чѣкехѣна мяналдџш нѣхѣлџаш, тай"нџа грант нџамџаш. Таньше мяналдџа компания «Газпром нефть» шелтамы. Чѣки нџаммайтџа вѣшаханата Ирина Кайлевна «Атпайшадаха» коллективан канта џашки" демьпчалт тѣмтаџаш. Тѣмтамайтџа – нџахал мымай нѣй паны", џџахал мымай мџой", нџахал нешаџ мѣмаџ џок хыды пѣма". «Чѣки демьпчалдутоу сценахана постановки" џычимчѣмпѣш мѣмантуџ камна, пџихнџа нешади" празникхана мѣштондџауџ. Тай"нџа кудкади" чѣшчахана" џашкиуде" ништоны кынимтан», – маньшту Ирина Айвасѣдо.



Кадпџодкана џайта клубхана «Атпайшадаха» кашемдџочимты пуџ манслаџа. Таџок пу" дџампан чѣки коллектив" нешади" дѣлџвсум џычимчѣмпѣш кудкади" фестивалџхана, конкурсхана мѣшту. Национальный" театрхана џашкиуди" шана"кома џука тѣмс нешади" вин камаш-

ту. Чѣки коллективхана мѣна" кыксу" нешаџ ватамана мѣшту", шутпџялс"мана, ванл"мана сѣнки" џычимчѣшту". Чѣкитџуџ шелтапѣмантуџ дѣлџшкана џашкиуде" џалка нетџуџ нџаш манде дџюлмы" вачи" вѣвхалдышту", нешади" шана"ку" тоходашту".

Таньше мѣматџоу нџанантоу дѣлџше хома, вѣльџа. Тохѣламытуџ мытоу шаџкмян меропрѣятџихина" мѣштутџуџ. џамылдим шелтамантуџ нельнџа Атпайшадахан канта" шинџуџкуй дѣлм намтмантуџ мѣты џалка нешаџкна" дѣлѣмџашџшту". Кудкади" шутпџялсу", ванлат", кыксу" хомана тоходаштутџуџ, тай"нџа џычимчѣштутџуџ.

Талџам вачачѣтуџ, џычимчѣмпѣшѣтуџ постановкетџоу дѣлџше вѣлџашту". Пытуџ шелтамайтџуџ џамыдѣтоу маньмаџ шелдѣлџуџ џџашту". Атпайшадаха шанат конкурсхана", фестивалџхана" џайвахай мѣстан камашту. Талџам мѣматџоу џалтана" џашкехѣна" дѣлџше хома.

Шичѣтуџ маньдѣни" майпѣмаџ мѣты Кадпџодкат мѣна" артисты" тат"нѣлнџаџ џай кудкади" вѣлџта выстџуплѣнии" шелташтоны". Нѣнѣй мымай демьпчалду" мѣш џычимчѣмпѣшѣтуџ постановкетџоу тадѣмшѣй вѣлџаштоны".

Татма: Л. Айвасѣдо таттамы

Ҳацеки" Һэвана" мальҫгаҫа Һарка няхатана" хонравандава" Һока Һэсеты. «Ҳамгэ' халя икана иле?», «Ҳамгэ' неро" вэсавэйраха"», «Ҳамгэ' хоркы сэв- да няръя"». Хаданана", иринана" юнрабцохо"на" хуркари" лаханакко, ва"ал вадець пясеты". Тарця мэкад вадакохот маня" Һока Һамгэм' хамедасетьва". Тандаярка Һани' Һоб" ва"алм' намдадамзь. Нюмдя «Ҳамгэ' е" эмня нюня ядэрць я"мада?». Тикы' нерцюна нюня' нямна намдормы ва"ал" Һани харто' яхакумна Һаць. Теда' намдвэми тарця.


Ҳамгэ' нюня ядэрць я"мада?

Выҫгы выҫгана Һарка"я то, то таявы. Һарка"я то' хэвхана нюняко илевы. Нюнякоҫяр сидя сава нюмда, нюмда Һамдалпи. Сянад хунад илевы Һэбта Һод" нюняко ханеванзь хая. Нюняко пухуця Һоб" недкомда, Һоб" нанькомда Һамдалпа хаи. Нюняко вэсако хэ"мяхаданда няна" пон' сыҫгарёда яҫгу. Тарем' мэнаханда нюня вэсакор Һаво" тоб"цьеда пили" тяхабта. Тикы тарця Һэсь нюня пухуцянд ика- да ямбуволы". Ихинянда ма: «Сидя нюн нися' тарцяда яҫгусь, Һамгэда хадкэриб"нанда?» Нюня пухуця нюняконда пумна, вэса- конда пумна тэри пяда. Нюняко пухуця торим' пявы, варрим' пявы.

Тайна хунанда то' саля' ян' ти тэвы". Тарем' сырпата саля' малхад то' и"мня Һарка ид' ня' поҫга еҫья. Таяня' Һэбата поҫга' ёран' нюня вэсако еремы. Мале хавы. Нюня вэсаконд то' сэртрев' сэвда хэвы".

Нюня пухуця вэсакомда манэць, нюняком' манэць ид' хайлада савлюй" пям', пям' сид"мы". Нюня пухуцянд ида ядэлы": «Сянад хабэй хальмерм' маниеб", Һани' вуни" илеҫгу". Сидя нюн нися хаданакэн».

Тикы яхад нюняко пухуця пуй Һу"умнанда тидхаледа. Нюняко пухуця пидяханда тэвы". Нюняко пухуцянд вэсута хаха- ва ханевахананда ханерисеты. Нюня пухуцянд сидя нюкцянда ялэди' поҫэ мэ"ҫаха'. Нюняконд хохорэй хадада таявы. Сяны Һэб"нанда Һод" хохорэй хада манзь ханада:



Сидяҫг": М. Яр' тадтавы"

– Тюку яля' нумда Һо" Һани ялэ" нимня ядемби. Тына" падде". Пилу" Һани' Һокаданд' нид неняҫгарха". Нюня меякоця, тэхэ"на" ханьма"!

Нюня мея манзь ханада:

– Хохорэй мея, харит меяр Һокаха"на" тэхэ"на" хэява!

Хохорэй пухуця манзь хана- да:

– Иб" Һод" тарця. Меякоеми тихива тива. Хохорэй мея нюк- цида Һока", нюкцида нюда пуна хэб"нанда яртанакы".

Нюня пухуця Һани' Һод" ма:

– Һа"ҫо таява, мея таява.

Һа"ҫо манма, меяко манма:

– Маньхэван ху' хэвнядм'?

Һа"ҫоця" Һока"ма", нюкця" Һока"ма". Пуна хэб"нан яртанакы".

Тарця вадаха"на нюняко мея- ко манзь ханада:

– Хадринда Һод" хантана- кэдм'.

Пон' нись мы" нюня хэ"нив". Таяня' тэвы". Тайна хунанда Һока илебя" лыҫг ни" хомбю". Мерцярим' пявы", минрим' пявы".

Нюняко меяко тёрехаей". Хыҫгм' намда, тёрм' намда ты" мадерьяд". Тикы яхана Һока илебя" хэндрев' сюральяд". Нюня мея лахаця' ваҫган' Һоб" мантэй".

Һаво" пирка"на паддена" ты" мерцянда сеян' пилибт" пявэдо'. Һамгэда Һэвна таҫок илебя" нюня мея' нимня нявотыд". Нюняко меяко' сэв" сэйвы". Сэвта



Һадимзь, нюняко юрка я"мы", ида ядэлы": «Я' нимня ядэрць я"амриҫговэдм'. Тад' нерня' икана илеҫгодакэдм'».

Нюняко меяко то' ит' хабтэй". Тикы' талья' нюняко' нюкця" икана иле".

Та' малда.

М. Яр' падвы



Сидяҫг": М. Яр' тадтавы"

Халя' хобахат сэдора

Ирина Геннадьевна Окоэтто – мел" не. Горноknязевск' музейхана манзара. Тандаярка Санкт-Петербург март' нэдалёрнась. Танияна Гатчина нюбета хардахана нани мел" нита поугана едэй манзаида манэ"лабтамбавы. Тикыда ненадорка", халя' хобахат сэдвы". Нани сэдьяхат нули" яуга".

Вадавнанда, нэрм' тер" халя' хобам' невхы илаугад сэдьядандо' мэцетыдо'. Нэдалёромита нямна, ханзер" халя' хобахад сэдоравамда няна" ваде"надась.

- Халя' хобам' ханяд хомбасетын?

- Ханяңэхэна вэсакони ня"амвэхэт сэдъини хобад сертасетыдм'. Нобангуна Тамара Очевна, няни небя, ненадо халядами нэдабтась.

- Наябэй халя' хобам' ханзер" нюлак мярэйрахаңэ сертабир?

- Пыри нэбта, тамна яңганя тэнз нэбта нод" пили" нюрте"э хархана хобамда ха"авраңгудм'. Икана хаця халтаңгув. Мань сини тотрев' сэдорана" мел" не" табекосеты": «Халя' нэбтм' пывумдамба нули" тяхасовна «Гңігу» няд"мяць халтамба тара». Табекуто' сер' сертабавани мальнганя тырабтавани пуд халэни" хоба" мер" нэдурцеты", нянзико падар' тотрев' хэсеты". Нэдьбяни теда' ланзякм' мэць нин халтамбю", тэри икана палнурцетын. Тикы' пуд халтавы нэябэй хобам' ненза лата' ни' лехэбтаңгув. Мяд' мюня ханяри' тю"уку' мэңгув. Хаер" сэв' нылна нэбта ни серос". Сянхав яля' ямбан' тыранаңгу. Тикахад латакоця' нид ха"авраңгув. Юрцяда нэбта саць тадвы нэсеты. Юрцавэй-хав харта ха"маңгу. Нудаха"нани мэядамба пяңгув. Тараб"нанда ядэлабцьм' мэцетыдм'. Ядэлабцьм' сацьри силпа ни тара", няндсядам' мэцетыдм'. Тикахана напда хобамд нир сит".

- Хурка халя' хоба" сава" нэсетын?

- Юрцавэйрка халя нэбта нули" сава нэңгу. Мэядамбаб", мер нюлкаңэ хан"ңа. Нули" талбэй, мээ нэбта, нудини" кремхана масарцетын. Тарем' сертаб", ёльце сававна мэядасетын, тохоцдрев', мярэйдарев' хэсеты".

- Сэдъит няраңэ хурка халя" тэнз" тарасетын?

- Неноховавна пыри", нёя" хоба" , лапка-хад тэмдавы" нэрка" яв' халя" хоба" нани' сава".

Невхы падкоци" то"олха сэдсетыдм'. Едэй илаугана мэта" то"олха"падкоцини" нобтики тания". Теда' нэрка марка-на мэвани' мальнганя ненэцие тохоламбидамзь. Нянандо' халя' хобам'



Сидяңг. И.Окоэтто' тавы

нудахато' ня"амвахарт илека. Нуда' тернэ нёлёкоця халя' сидяңгэцям' сэдъибиць. Мань сидто' тидхалембидамзь, тяхасовна табедамбинась. Нокханда юд' мян ненэцям' сэдора тохоладамзь.

Яна" тиңгэвна мел" нина" тарем' мале нэхаана юрвы манзаи тензетемби". Ямал' тер" поугана маня", нэрка ненэцяңгартаңэ, тарця-хат ехэрава". Нэдьбята Ирина Геннадьевна ёльце тарана манзаям' сертаби. Ненадовна нэцекина" е"эмня нэрка таром' ха"аврамби.

Г. Окоэтто' падвы



Сидяңг. И.Окоэтто' тавы

Едэй я' си ңадимы

Едэй илаугана тодо яхат нэда" юн" ихид мерець турңа". Ханярина мэбат нод" интернетанд танияб" вадамд мер нэдараңгур. Вы' тер" нани' тарем' пирнэдо'.

Хаяяда яля' Ямальской район' няңы выңгад юнм' намдаваць. Бованенково нюбета месторождение' хэвхана я' си нэдимы. Тикы' нямна Майма Худи паднавы, ненэцяңг" «ВКонтакте» соцсетъхана видеом' манэ"лабтавы. Тикы си нули" нэрка, илена нэмгэ тания' ерембата, пуня' мале ни тарпаңгу". Пинкабты. Ёльце тосакабтё тара. Майма' вадавна си' ядувна еся вадм' серта тара, тарем' тания' нобкарт ты, вэнеко ни еремд".

Нэрка учёной" тыхасовна манэтадо', вадетадо: нэмгэ' янхад я' инд тю"у' тарпавы, я' нярам' навломы. «Шельф» лабораторияхана манзарана Василий Богоявленский' вадавна я' си пилю" иры' 30 яля' нэдимы. Тикым' тыхасовна нуво" тыхад сертабада сидяңгамна таславэдо'. Таниямна мюсерта ненэця" нэрка"я пендм' намдавы", я' сихид ту' лээ нэдибермы.

«Тарця" сер" теневына". Нокханда мале 23 сим' тохоламбива". Я' инд харта тарем' тю"у' я' сяр' нийм' наволпида. Сидя по' ямбан' мюйда икана панаңгу. Тоңэ ханда», - учёной" едэй я' си' нямна тарем' лахана".

Г. Окоэтто' падвы

ОБЪЯВЛЕНИЕ

СЛУЖБА ПО КОНТРАКТУ В ВС РФ ПОЛНАЯ ИНФОРМАЦИЯ ПО ТЕЛЕФОНУ 8(902)81-6-11-90 ЗВОНОК ПО РОССИИ БЕСПЛАТНО

ВРЕМЯ ДЛЯ ВАЖНЫХ РЕШЕНИЙ!

КОНТРАКТНАЯ СЛУЖБА
5 000 000 Р
ЕДИНОВРЕМЕННАЯ ВЫПЛАТА
2 300 000 Р

ПРИ ЗАКЛЮЧЕНИИ КОНТРАКТА НА ЯМАЛЕ

Прибывающим с других регионов, возмещаются затраты на проезд от места проживания до г. Салехарда. В период оформления проживания в г. Салехарде бесплатно, 3-х разовое бесплатное питание!

ОБУЧЕНИЯ:
✓ ОПЕРАТОРОВ БЕСПЛОТНЫХ ЛЕТАТЕЛЬНЫХ АППАРАТОВ
✓ ТАКТИЧЕСКАЯ БОЕВАЯ
✓ МЕДИЦИНСКАЯ ПОДГОТОВКА

1 900 000 Р ЕДИНОВРЕМЕННАЯ ВЫПЛАТА ДО 120 000 Р СЕРТИФИКАТ НА РЕАБИЛИТАЦИЮ
400 000 Р МЕНЕЖЕРСТВО СОБЛЮДИТЕЛИ
ЕЖЕМЕСЯЧНЫЕ ВЫПЛАТЫ ПРИ НАХОЖДЕНИИ В ЗОНЕ СВО

РЯДОВОЙ ОТ 210 Т.Р. **СЕРЖАНТ** ОТ 232 Т.Р. **ПРАПОРЩИК** ОТ 292 Т.Р.

Газета «Нярьяна Нэрем»	Главный редактор ЯР Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 38 Подписано в печать 19.09.2024 г. Вышла в свет 21.09.2024 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
------------------------	--	--	--	--

Учредитель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708).

Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)

Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559

Тираж 3616 экз.

Заказ № 1351 (тираж 1581 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунынца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А

Заказ № 1351/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4). Газета выходит по субботам.

Цена годовой подписки 166 руб. 84 коп.

В розницу не распространяется.

Адрес редакции: 629003, ЯНАО, г. Салехард, мкр. Богдана Кнунынца, д.1, каб. 106 тел. 8 (349 22) 4-53-32

E-mail: nn@yamal-media.ru